

Naaja H. Nathanielsen

Attavitsoq / Løsgænger

Nuuk, den 4. juli, 2016

Inatsisartut suleriaasianni § 37 naapertorlugu Naalakkersuisut imak apeqquteqarfigaakka:

Naalakkersuisunut apeqqutit:

1:

Naalakkersuisut uani qinigaaffimmi neqeroorusiortarnermik inatsisiliorniarpat, nunatsinni najugaqartunut ersarissumik iluaqusiisumik, inuiaqatigiillu aningaasaqarneranut eqqarsaatiginnittumik?

2.

Naalakkersuisut ersarissumik ungalassimaarniarpaaq paasinnitaaseq tassaasoq EU- mit piumasarisaasoq pisortat niuerniarneranni inuiaqatigiit aningaasarnerat eqqarsaatigineqassanngitsoq?

3.

Aningaasaqarnermut Naalakkersuisoq upernaakkut ataatsimiinnermi ilisimatitsivoq pisortat niuerniarnissaannut kaajallaasitaq maanna tusarniutigineqartoq. Ajoraluartumik tusarniutigineqartoq kaajallaasitarlu inaarutaasoq nassaarisinnaasimanngilara. Kaajallaasitaq naammassineqareerpa saqqummiunneqassavalu?

4.

Naalakkersuisut isumaqarpat pisortat niuerniarnerat suliassanillu imissusiinerat suliarinnittussarsiornikkut nalinginnaasumik suliarineqartalissasut? Taamaappat, Naalakkersuisut allaganngortitsisimappat qaqugukkut suliallu suut taamatut suliarineqartalissanersut? Taamanngippat Naalakkersuisut isummaminnik itisileqqussavakka.

(Inatsisartuni ilaasortaq, Naaja H. Nathanielsen, attaviitsoq)

Tunngavilersuut

Naalakkersuisut nikerartut nalunaarutigisarsimavaat Namminersorlutik Oqartussat niuerniernermini sipaartariaqartoq, landskarsilu iluaquserneqassasoq pisiniarnermini unammilleqatigiissunik atuilluarnermigut akikinnerpaarlu ujartorneqartassasoq.

Taamaaliornikkut inuiaqatigiit aningaasanik sipaarsinnaassagaluartut inernivia qimerlooraanni inuiaqatigiinnut aningaasartutaasinnaavoq. Ingammik inuiaqatigiiusugut inukitsunnguunerput isummatsinniitikkaangatsigu, pisortat niuerniarniarneranni isumaqarluarpoq inuiaqatigiit eqqarsaatigalugit iliuuseqartarneq.

Taamannerani tupallaatigisarpa sulianut amerlaqisunut suliarinnittussarsiorneq aqqusaqaarnagu imissutiginnittoqartarnera. Mikisualunnik niuerniarnerni sipaarniarneq pingaaruteqarluinnartutut isigineqartarnerani sanaartornermi inatsisilerituunillu sullinneqarnissamik millionerpassuarnik naleqartunik isumaqatigissiortarpoq

Naaja H. Nathanielsen

Attavitsoq / Løsgænger

suliariinnitussarsiortoqangikkaluartoq. Tamakku qapilerneqartarsimapput partiinit assigiinngitsunit § 37 tunngavigalugu apeqquteqaatarnerni.

Ullut suliffiusut qulit qaangiutsinnagu akineqarnissara piumasaraara.